

Atrobe MEP ta orkesta boycott contra DIARIO

ORANJESTAD (AAN) – Ayera un biaha mas manera den pasado tambe nan a purba na hopi occasion, esnan di MEP a kere cu boycott contra DIARIO lo bay duna su frutan y poder politico.

Cada biaha cu MEP y su gobierno haya nan mes den cualkier preta y ora nan actonan di mal gobernacion y di corrupcion sali publica den e matutino di pueblo cu no ta bay ciegame na amen di gobierno di MEP, ta mesora nan kier bay kere di por bin cu accionnan di boycott contra DIARIO.

Si no tabata pa DIARIO awe hopi actonan di mal gobernacion y di corrupcion di tur gobierno cu a sinta no a sali na claridad di dia.

Durante cu MEP tabata den oposicion ni un solo dia ni Nel of cualkier otro integrante di MEP a cuestiona DIARIO pasobra e tempo ey si DIARIO tabata bon pa publica actonan descabeya di e gobierno anterior y ora cu MEP a drenta gobierno y a bay haci peor, e ora ey diripiente DIARIO no ta un bon corant mas; esey ta e realidad di hipocrecia di e gobierno di MEP.

Te hasta cu muchanan handicap nan a trata na bay influencia pueblo ayera lubidando cu ta partido MEP den gobierno ta esun cu a para pagonan pa muchanan handicap por haya transporte special.

E dolor grandi di pueblo ta den loke e gobierno di MEP a haci cu handicapnan cu no ta

haya e trato special cu nan merece door cu gobierno no kier paga placa pa nos muchanan handicap.

Ta kico Nel lo a priminti esnan cu awor a bin cu boycott contra DIARIO?

Ta mas permit pa car rental? Otro permit pa companianan cu lo bay sigui gasta placa di caha di gobierno door di manda facturanan dobel?

E mesun hendenan cu ayera tabata propaganda boycott contra DIARIO y specialmente e atakenan personal contra Jossy Mansur y su famia completo, a lubida cu Rudy Croes kende ta un di e pilarnan grandi den MEP ta casa cu un Mansur?

Ta cu ki cara Rudy Croes por wak su casa y su yiunan den nan wowonan si su mesun hendenan di partido ta lastra y caba cu su mesun sanger?

Ta con Rudy Croes por ta miembro di un partido cu ta lastra su mesun yiunan?

Nel cada biaha ta bay yora den publicidad na momento cu lo por tin cualkier critica

contra su mesun persona y un miembro di su famia directo, pero e ta lubida cu yiunan di Rudy y nan famia si por worde lastra door di militancia di MEP y nan medio di comunicacion comprometi ciegame cu partido.

Ora nan ta papia di filenan cu a worde publica den exterior di cual nan no ta bisa cu tur e difamacionnan ey a bin for di tempo di Nel y Martin Ras di Seguridad Nacional y ta cuestiona famia Mansur y bisa cu Nel ta homber integro y cu nunca tabata tin algo contra Nel y su famia, nan ta lubida di bisa pueblo e acusacionnan serio cu tabata tin contra yiu homber di Nel cu a worde acusa di a maltrata un mucha muher den cas di Nel na Aruba?

Nan a lubida e kehonan cu tabata tin den exterior contra yiu homber di Nel Oduber kende a worde acusa di sea violacion sexual of intento di violacion sexual?

Ora cu bo kier bay saca keshi

di otro famianan anto bo mester wak prome den bo mesun seno aunke cu mester menciona y remarca si cu loke otro miembro di famia di Nel ta haci no por tene Nel directamente responsabel pa nan actonan, pero loke a pasa den bo mesun cas unda cu un mucha muher tabata acusa bo yiu homber di a trata na viola e mucha muher si ta algo hopi serio.

Si ta sacamento di cuenta y pasamento di factura ta loke cu cierto hendenan kier wak

durante e campaña electoral aki anto laga cada ken refleha bon prome cu nan bay papia disparatenan.

Den pasado Nel a saca stickman cu e texto 'No kere DIARIO' y esaki no a yuda ni Nel ni MEP y awor nan ta purba atrobe via nan medionan di comunicacionnan comprometi cu nan partido.

DIARIO no tin miedo di ningun boycott y di ningun bataya!

Pa bay traha na Curaçao como Presidente Regional na RBTT

Fons Simons lo bandona su puesto di director na Aruba Bank


ORANJESTAD (AAN): Informacion cu DIARIO a haya ayera ta indica cu pronto Director di Aruba Bank, Sr. Fons Simons lo bandona Aruba pa asina bay ocupa un funcion mas halto ainda na e isla bisiña di Curaçao como Presidente di e region di Antiyas, Aruba y Bonaire na RBTT.

Despues di haci un tremendo trabao na Aruba Bank pa pone na lugar manera cu e ta

aworaki, Sr. Simon a tuma e decision aki caminda lo sigui amplia su horizonte, pero awor den otro entidad bancario.

DIARIO a tuma contacto cu Sr. Simons pa asina haya mas datonan relaciona cu e noticia aki, pero awe el a keda di trece pa dilanti kico tin den locual ta ser bisa caminda e lo papia riba e pasonan cu lo tuma for di awor pa dilanti.

TOUR DEN PUEBLO SO FALTA AINDA!!



BEST DEAL

PARADERA
Tel: 582-7050/582-7100

BEST SHOPPING DEAL

Turibana Plaza
Tel: 586-5455



Black & White
T.V. w. AM/FM
Radio Afl. 55,=